

INUIT ATAQATIGIIT

Inatsisartuni



15. november 2023

Inatsisartut Suleriaasianni § 37 imm. 1 naapertorlugu, apeqqutit uku Naalakkersuisunut saqqummiuppakka:

Naalakkersuisunut apeqqutit:

- 1. Qaqugu attassinissamut siuariartornissamullu pilersaarut 2 inaarneqarlunilu tamanut saqqummiunneqassava?**
- 2. Aaqqissusseqqinnissamut siunnerfinnut sisamanut immikkoortitaarlugit piffissamut pilersaarut qanoq isikkoqarpa?**
- 3. Aaqqissusseqqinnissamut siunnerfiit sisamat immikkoortitaarlugit pilersaaruserfigineqarneranni Naalakkersuisut sumut killippat?**
- 4. Aaqqissusseqqinnermi siunnerfinnik sisamanik pisariaqartumik ataatsimoortitsineq ataqatigiinnerlu Naalakkersuisut qanoq iliorlutik qulakkeerniarpaat?**
- 5. Aaqqissusseqqinnermi siunnerfiit sisamat immikkoortitaarlugit, taakkulu ataatsimut sunniutaasa alaatsinaannissaat Naalakkersuisut qanoq iliorlutik qulakkeerniarpaat?**

(Inatsisartunut ilaasortaq Asii Chemnitz Narup, Inuit Ataqatigiit)

Tunggavilersuut:

Inuiaqatigiit aningaasaqarnikkut attassinissamik ajornartorsiutaat ukiut aqqaneq marluk sinnerlugit ilisimaarineqarlunilu nassuerutigineqareerpoq. Attassinissamut Siuariartornissamullu Pilersaarut 2-mik suliaqarneq ukiuni arlalinni oqaatigineqartarpoq. Suliap ingerlanera Inatsisartut ilisimaaraat.

Patajaatsumik aningaasaqarnissamik qulakkeerinninnissamik pisariaqartitsineq annertuvoq. Atugarissaarnermik qulakeerinninnissaq namminersorlutillu inussutissarsiortut ingerlalluarnissaat kikkut tamarmik soqutigisarisariaqarpaat.

Pilersaarutitut siulianilu taaneqartunut aalajangernissat pingaarutillit aalajangernissaannut PIFFISSANNGORPOQ. Inatsisartut Naalakkersuisullu MAANNA inuiaqatigiitta siunissamut isumannaarnissaannut sapiissuseqarnerminnik takutitsisariaqarput.

Politikikkut siunissamut akunnattumut ungasissumullu anguniakkanik naammassinninnaassuseqarput nunatta siunissaa pillugu takutittariaqalerparput. Aningaasaqarnikkut nukittuumik siunissaqarneq politikikkut iliuseqarsinnaassutsimut ataqatigiilluinnarpoq.

Apeqqutimma ullut qulit ingerlaneranni akineqarnissaat kissaatigaara.